



Inatsisartunut ilaasortaq Nikolaj Jeremiassen, Siumut  
Inatsisartut  
/Maani

Arctic Green Food A/S pillugu § 37 apeqqummut 2013-28-imut akissut

01-05-2013  
Suliap normua 2013-082868  
Dok. nr. 1194560

Inatsisartut suleriaasianni § 37, imm. 1 naapertorlugu apeqqutigisimavat Arctic Green Food-ip tunitsiviisa ingerlaqqinnissaanut suliniutit qanoq ingerlanersut. Apeqqut uannut akisassanngorlugu innersuutigineqarsimavoq.

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.nanoq.gl

Apeqqut

**Arctic Green Food-ip tunitsiviisa ingerlaqqinnissaanut suliniutit qanoq ingerlappat?**

Akissutit:

Apeqqutigisat akissuteqarfiginiarlugu, maannakkut pisumut tunuliaqutaasoq pillugu naatsumik nassuiaateqaaqaalaarniarpunga. Arctic Green Food A/S (AGF) akiliisinnaajunnaarpoq ulloq 28. februar 2013 Kalaallit Nunaata Eqqartuussiveqarfiata akiliisinnaajunnaarnermi nalunaarut nalunaarutigereeraalu. Aalisakkeriviilli ingerlatseqatigiiffimmit Namminersorlutik Oqartussanit kiffartuussinissamik isumaqatigiissuteqarluni ingerlanneqarsimasut ingerlatseqatigiiffimmit pigineqanngillat, taamaattumik aalisakkeriviit akiliisinnaajunnaarnermut ilaatinneqaratik.

Akiliisinnaajunnaarnerup kingunerisimavaa piffissami maannakuugallartoq aalisakkerivinnut taakkununga ingerlatsinissamut kiffartuussinissamik isumaqatigiissuteqartoqannginnera. AGF-imit kiffartuussinissamik isumaqatigiissut ingerlaannartumik akiliisinnaajunnaartoqarnerata kingorna atorunnaarsinneqarpoq.

Nipisat suaannik tunisassiassanik pisiortorneq Kitaani annertunerusumik annikinnerusumilluunniit ingerlavoq. Nipisat suanniarnep nalaani tunisassiassanik pisiortorneq inuussutissarsiteqartut akuusut assigiinngitsut suleqatigalugit pissasoq siunertaavoq, taakkununga ilanngullugu Royal Greenland A/S. Maniitsup eqqaani Royal Greenland A/S angallammik tunitsiviliisimavoq suannik pisiarinqartunik Nuummut assartuisartussamik.

Kujataanut tunngatillugu naatsorsuutigineqarpoq maannakkut tunitsiviusut periarfissaqassasut sumiiffinnik siusinnerusukkut Arctic Green Food A/S-imit tunitsiveqarfigineqarsimasunik isumaginnissinnaanissamut.

Qaanaamut tunngatillugu nalilerneqarpoq tuniassiassanik pisiortorneq imminut akilersinnaakannersumik Greenland Properties A/S-imit ingerlanneqartoq. Nalilerneqarpoq piffimmi tassani qaleralinnik pisiortorneq suli annertusiartussasoq.

Piffissami maannakkuugallartoq sumiiffinni Maniitsumi, Napasumi, Attumi aamma Ikamiuni pisariaqarpoq aaqqiissutissarsinissaq, taamaasilluni sumiiffinnittaaq taakkunanani tunitsiveqarnissamut periarfiissiisoqarnissaa aamma nipi-sannik suanniernerup kingorna.

Naalakkersuisut pilersaaruteqaratillu kissaateqanngillat ingerlatseqatigiiffimmit, Arctic Green Food A/S-ip kingorna aalisakkerivinnik tiguisimasumik kiffartuussinissamik isumaqatigiissusiornissamut. Tamanna aamma pivoq assigiinnik piginnittoqarnera pissutigalugu. Kiffartuussinissamik isumaqatigiissummut tunngatillugu piginnittuusut 2012-imi assut ajornakusoortissimavaat aalisakkerivinnik naammaginartumik ingerlatsinissartik.

Taamaasillutik Naalakkersuisut 2013-imissaaq ataavartunik tunitsiveqarnissamut tunngatillugu ajornartorsiutaasunut aaqqiissuteqarniarlutik sulipput nipisaat suanniareernerup kingorna atorneqarsinnaasunik, kiisalu 2013-ip kingorna ataavartumik aaqqiissutissamik.

Inussiarnersumik inuulluaqqusillunga

Karl Lyberth

Aalisarnermut, Piniarnermut Nunalerinermullu Naalakkersuisoq